

## 208: 諸宗立教之【<sup>1/4</sup>大意離合:『不分教』、『分教』之意】

疏鈔二/四冊，二藏教所攝，華嚴疏鈔卷三 p24~36 · no. 208

講義出處: 華嚴懸談會玄記卷 20 · 蒼山再光寺 · 比丘普瑞集

整理者: 葉苾芬 · 『華嚴懸談』課程講義。 2022/12/12.

### 不分教之意 p28~31

#### 【生公之立四輪】 p27r12

1 彼云:『始於道樹，終至泥洹，凡論**四種法輪**:

(1) **善淨法輪**: 謂始說一善，乃至四空，令出三塗之穢，謂之善淨。

(2) **方便法輪**: 謂以無漏道品，得二涅槃，謂之方便。

(3) **真實法輪**: 謂破三之偽，成一之美，謂之真實。

(4) **無餘法輪**: 斯則會歸之談，乃說常住妙旨。謂之無餘餘。

#### 鈔【如來知是一相一味】 p28r12

1 證成上法兩一味也。

2 一相者，無異相故，無相相故。般若云:『皆同一相，所謂無相。』

無量義云:『一相無相』

3 一味者，一無漏味，殊勝資益，無別體故。

4 何者是一相一味之體? **所謂**下，出其體也，文有五句，前四德後一一性。

(1) **解脫相者**，**我德**(脫二障縛，得自在故)

(2) **離相**，**樂德**(離變易眾苦故)

(3) **滅相**，**淨德**(性絕妄染故)，

(4) **常寂滅相**，**常德**(四相不遷故)。

5 終歸於空者，即四德不空藏，同歸空藏為，是一相一味也。

#### 鈔【如經說一無常】 p29r5~7 1 文有六義，乃含多意:

(1) **【以生滅代謝，故云無常】**等者，有二說。

① 會解云:『即小乘中意，尚通人天乘。』

② 寂照則云:『是小乘義，并立相始教』

(2) **【或云無彼常，故名為無常】**會解二釋:

① 於**依他法上無餘性釋**。(大乘初教中義)

謂依他法上，無彼徧計常。無相之常，無彼圓成常。有相之常，故云『無彼常，是無常』也。

② 亦於依他中約染分同徧計故。(後意通實教義)

無彼淨分同圓成之常，故云無彼常，故名為無常。

\*初意即大乘初教中義，後意通實教義。

\*寂照則云：『於依他上，無圓成常。』亦始教義，三釋皆通。

(3) 【或云不生不滅，名為無常】者此具一論、二經之文，即有多意。

① 一論者，即中邊論。故下疏云：

『依中邊論約三性說，則初後二性，不生不滅是無常義，謂：徧計無可生滅，故圓成體常湛然。故約二性說不生不滅是無常也』，此有二義。

1) 若依他無性即是圓成，即實教義。

2) 若以即空即破相，始教義。

② 言二經者：

1) 淨名經迦旃延章云：『諸法畢竟不生不滅，是無常義』

肇公釋云：

『小乘觀法，以生滅為無常義。

大乘之士，以不生滅為無常之義。

無常名同而幽致殊絕，...乃至云：

『以遣常故，故言無常，非謂有無常，無常常無。

故云：『畢竟不生不滅是無常義』即破相意也。

2) 即菴提遮經云：

『若知諸法畢竟生滅變易無定，如幻相，而能隨其所宜，有所說者，是為無常義』。乃至云

『若知諸法畢竟不生不滅，隨如是相，而能隨其所宜，而有所說，是無常義』等。

\*(結)故下疏云：『菴提遮經說不生不滅是無常義，生滅即是常義等，

鈔云：『此意正顯性相交徹，二義相成，生滅相盡，無常即常。

故不生不滅是無常義，隨緣不變，常即無常，是生滅義也。

又性即相故，不生不滅是無常義。

相即性故，生滅是常義。互奪，則雙非。互成，則雙立。

\*釋曰，今唯取性即相故即終教義也。

(4) 【或即無法可常】者，決擇記云：

『絕待真理，無彼對待可常，故名無常。

是故真如門，隨順但具非常非無常之言。念爾今遮可常，故名無常。

(5) 【或云真如一法】下即終教意

(6) 【或聞無常】下即雙非顯中是頓教義

2 言等者，等取圓教中義。

下鈔云：『若華嚴宗，一切法趣無常。無常攝法無遺，義理無盡，方真無常。』

3 總收諸義以為一致，皆是此宗一義所收也。

此則一無常言，自含五教，攝乎多義，如何定分耶？

4 【明知隨人解不同】法元無異，無常既爾，餘若空等例然。如十住疏鈔具明。

言【三獸渡河】 p30r7 1 優婆塞戒經云：

『佛告善生：如恒河水，三獸俱渡。兔不至底，浮水而過。馬或至底，或不至底。象則盡底。』

2 即十二因緣河也。聲聞渡時，猶如彼兔。緣覺渡時，猶如彼馬。

如來渡時，猶彼香象。

3 今鈔借意，證此『通教三乘同稟，明依此教，三乘之人作是解。

故不遮其中解心復有淺深，成三乘故。

4 或可證此中論一偈，四教機解淺深不同，然前解為正。

鈔【或謂即空即假即中】 p30r10~12 (別教意)

1 第四圓教機解也，【即空】下標，【雖三】下釋：

如一「緣、生、色」等義雖有三，據體一故。雖是一體，不礙三故。

2 【言思道斷】者，以詮緣無寄，即不思議空也。

3 【但有名字】者，圓融三諦，假名詮說。設圓融之言，亦假設。故但有名無實。

4 【即是實相故】者，謂空、有、中義，即是實相佛性中道之體，則觸處皆中。

5 此上總意但以下別(教)釋。

但用空一名，即具假、中之義，悟徹空義，即悟假中之實。以理事等皆融通故。

6 言【餘亦如是】者，謂但以假為名，即具空中。悟假即悟空中，

但用中為名，即具空假，悟中即悟空假。故云餘亦如是。

【善會佛意】 p32r12

- 1 佛意說權，乃是隨機。佛意說實，乃是稱理。佛意如是，要善解會。
- 2 【有開顯】等者，以教中，佛自說於開顯。然開字有二義：
  - (1)於一佛乘分別說三，名之為開。即是從本流末。
  - (2)開者，開除開發故。是則說三為方便，歸一真實。即攝末歸本也。
  - (3)今約後義豈成支流。

【所謂空者，是正解脫】 p34r5

- 1 十住鈔云：『空亦不淨，是有為故。即心所變之空相故。』
- 2 涅槃云：『淨者，諸佛菩薩正法，名為善有。』

鈔【彼經疏下】 p34r

- 1 一就佛明無常，二就法明苦，三就僧明無我，四就解脫明空，五就佛性說常。
- 2 此五中皆有權實，前四彰權隱實，後一彰實隱權。

▲鈔【最後佛性】 p35r2

- 1 即前云：『或復說言，一切眾生有如來性。』等。此中
- 2 【彰其妙有】者，非情謂之有涅槃。云有，名執著；無，名虛妄。當知難擬，故稱妙有。
- 3 此對前第四(p34r3, p35r1)，但明空義，故云妙有。
- 4 【即合前馬】者，馬是喻，依喻體有三：
  - (1)由人策，不自在故。我者，自在。既不自在，故喻無我。
  - (2)不無義，以喻妙有。前取初義，今取此義。
  - (3)進止無滯義，後文說之，以喻真我。

▲鈔【不能正修】 p35r8

- 1 既解初心作佛是方便權說，即不能如法正修。
- 2 言【高推聖境】者，如云：『此是入理聖人境界，我何能耶？』即不能速證果也
- 3 幸有善財龍女等，能正修行速證菩提。
- 4 言【失大利】者，以深為淺而復自欺故。

### ▲鈔【不得大涅槃一日之價】 p35r12

1(小乘)雖勤苦久修，只得小乘之果，不得大涅槃一日之價。

2 法華云：『我等從佛得涅槃一日之價』意云：

『三祇方得大涅槃，今三生六十劫拙度小果，但得大涅槃一日之價。』

3 鈔云：『不得者，顯因異果也。其猶求利之人，自身負擔貨遷有無等，用功雖多，所獲至少。蓋法淺也。或得仙方，使瓦礫為寶等。用功極少，所獲甚多，蓋法深也。』

### 鈔【謂分析權實】 p36r1

1 三乘是權，一乘是實。空即破相，有即二乘頓漸等，為偏圓教可知。

2 取捨之言，若淺之深，捨權取實。此言捨者，非謂厭棄，但知是方便，不奪方便之意。故此言取者，非謂執取，但可依之修學。故一乘三乘等，取捨准知。

3 遲速者，通上權實空有偏圓。

(1)小為速，三生六十劫，四生一百劫，但得小果。故大為遲，修行長劫得大果

(2)三乘遲，一乘速。龍女速成是一乘故。

(3)又破相名遲，始終二教名速，三祇必成佛故。

(4)又始終名速，頓教一念不生即佛故速。

(5)又偏教定遲定速，圓教遲速無礙義，是前說。如此分析方知佛法無不包也。

### 鈔【諸聖教中，自有分意】 p36r6 (古德取意不同:)

1 遠公以：

(1)佛即應身十二部經，即小乘經。

(2)修多羅即大乘相教，

(3)以方等經即大乘空教。

(4)以般若，即離相證實之慧，若約行辨教，即般若經，以大涅槃即了因所了實性若約實辯教，即涅槃經。

2 若南中諸師：

(1)以乳為有相教(即小乘合十二部經)

(2)以酪為無相教，

(3)以生酥為方等褒貶教

(4)以熟酥為同歸教

(5)以醍醐為常住教

### 3 若天台:

(1)以乳為華嚴 (2)酪為阿含 (3)生酥為方等 (4)熟酥為般若 (5)醍醐為法華涅槃  
(天台所用轉變不定此配五味多約此說)

4(結)今文約五味之差，皆佛自分。即前諸師配屬諸教，無失，但各是一意耳。

### ▲鈔【無著之扶五性】 p36r8

1 無著所造顯揚論第三云:

『可救者，謂三乘寂滅法性。不可救者，謂無三乘寂滅法性。

其不定性，從在三乘之中。若以此為極，則三時之義自立。』

2 言【龍樹之判四門】者，即智論開空有，兩亦雙非為四門，及共般若不共般若等

(釋分教義竟)